



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

KABINET PREDsjedNIKA I POTPREDsjedNIKA

Broj: 01-4-01-4-168/23

Sarajevo, 07.02.2023. godine

N/r Direktora

PREDMET: Poziv za petu generaciju Nagrada za biznis lidere održivog razvoja u Bosni i Hercegovini, dostavlja se

Poštovani direktore,

Ovim putem Vas pozivamo da prijavite Vašu kompaniju za Nagradu za biznis lidere održivog razvoja u Bosni i Hercegovini (BiH).

Dodjelu Nagrade za biznis lidere održivog razvoja u BiH organizuju Vanjskotrgovinska/Spoljnotrgovinska komora BiH i UNDP u BiH, a ove godine će se dodijeliti po peti put.

Glavni cilj Nagrade je prepoznavanje i isticanje napora kompanija iz privatnog sektora u postizanju Ciljeva održivog razvoja (SDG-ova) u BiH. Nagrada takođe ima za cilj motivisati kompanije da stvore nova i kvalitetna radna mjesta, unaprijede svoje poslovne modele, istovremeno smanjujući svoj ekološki otisak kroz pridržavanje Ciljeva održivog razvoja.

Proces prijave za Nagrade za biznis lidere održivog razvoja je otvoren 01. januara 2023. godine i trajeće do 31. marta 2023. godine. Sve privatne kompanije, registrovane u BiH, bez obzira na njihovu veličinu (mikro, male, srednje i velike) mogu se prijaviti. Proces se zasniva na e-aplikaciji.

Finalisti će biti promovisani putem komunikacijskih kanala od strane SDG2BiH programa, kao i kanala komunikacije donatora i partnera, a proglašenje dobitnika nagrada i uručivanje pehara će biti na svečanoj ceremoniji dodjele Nagrada za biznis lidere održivog razvoja 14. juna 2023. godine.

Kao i prethodnih godina, biće dvije tematske oblasti ("Ljudi" i "Resursi & okoliš").

Kako se prijaviti?

Proces prijave je jednostavan i sastoji se od dva koraka. Prvi korak traje manje od 30 minuta i daje ukupnu indikaciju o statusu kompanije. Proces prati GRI standarde koji omogućavaju kompanijama da mjere svoje performanse na osnovu međunarodnih standarda.

Zašto se prijaviti?

Kompanije koja usvajaju održive strategije i prakse poboljšavaju svoju konkurentnost i imaju bolje srednjoročne i dugoročne ekonomske rezultate. Ciljevi održivog razvoja (SDG) služe kao smjernice za kompanije za procjenu i upravljanje društvenim, ekonomskim i ekološkim rizicima, dok u isto vrijeme poboljšavaju svoju reputaciju, imidž i stratešku poziciju na svjetskim tržištima. Neki od dobitnika Nagrade za biznis lidere održivog razvoja u BiH su dm, Ministry of Programming, Heidelberg Cement, Klika, Mistral, Isatis, Dekonta, SEEBA, Stitch 22, Lanaco, Šumska Tajna i mnogi drugi.

Više informacija o samoj Nagradi za biznis lidere održivog razvoja možete pronaći [OVDJE](#).

Nadamo se da ćete prijavom za ovu Nagradu pokazati da je i Vaša kompanija jedna od onih u BiH koji u praksi podstiču ispunjenje Ciljeva održivog razvoja.

Srdačan pozdrav,

PREDSJEDNIK

Zdravko Marinković

